

CBETA電子佛典集成

CBETA Chinese Electronic Tripitaka Collection
eBook

T19n0981

大毘盧遮那佛眼修 行儀軌

唐 一行記

財團
法人

佛教電子佛典基金會



目次

- [編輯說明](#)
- [章節目次](#)
- [卷目次](#)
 - .001,
- [贊助資訊](#)

編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

爾時不動明王執持慧刀威猛奮怒相，其所赴方面畫作雲龍，以大慧刀印而斷壞之，彼障即時消散。所以然者，世人於空露地畫作漫荼羅時，若遇惡龍降雨即便毀壞。行者於心地中畫作大悲漫荼羅，亦復如是。若為三毒惡龍降暴雨流駛水，令不思議染色湮滅湮淪故，用無垢智身作不動明王威猛大勢，以慧刀印斷壞陰雲，則隨所向之方無不清廓也。招(引)羅劍是金剛橛，首如一股金剛，而下體銛銳猶如橛形，若更細小者名金剛針，其相各異。阿闍梨建立漫荼羅時，或勇建菩提心依金剛橛方便以息風雨，當用法陀羅木。若無者，當用苦棟木乃至鑛鐵為之，用成辦諸事金剛薩埵加持，觀自身即同一切金剛，以釘障起方面，則令道場地分一切皆同金剛，是故諸障無能燒害。即結契，定慧金剛合掌，屈二頭指，以指頭向下，二大指各捻頭指傍。以印置心，誦真言三遍，頂散之。真言曰：

「曩莫三曼多沒馱(引)喃劍」

次當觀威猛大勢不動明王住本曼荼羅位中，即是三角漫荼羅，周匝熾焰，其中微黑是也。此有二種，或觀聖不動尊住本位中，以三昧足蹈彼頂上；或觀自身即是不動尊，住本位之中。以三昧足加彼頂上，臨以忿怒之威，隨彼諸為障者即當退散。若固爾不從教命不速去者，必當自絕其命。是持真言者，當生慈心勿，令彼命根斷絕也。所以然者，如是淨菩提心不動明王殺害諸眾生業煩惱壽命時，即須生彼法性真常之命故。若諸佛令修行者必定墮於灰斷涅槃者，便有殺眾生罪故。不應如文堅執而失如來密意也。

次行者應入威怒降三世明王觀，淨除自我所生障。二羽交臂金剛拳，檀慧相鉤，豎進力，是其契法。行者即想身發威焰，八臂四面豎利牙，虎吼吽字如雷音，頂上右旋成結界。真言曰：

「唵遜(蘇唵反下同)婆爾遜婆吽(一) 吃哩(二合，下同)藥拏吃哩藥拏吽(二) 吃哩藥拏(三) 播耶吽(四) 阿難耶斛(五) 薄伽梵疇日羅(二合)吽發吒」

即入金剛忿怒威光熾盛三世勝三摩地。菩薩有四面，皆忿怒；八臂各執器械；左足蹈大自在天，右足蹈烏摩妃，如丁字勢立；遍身火焰洞燃，如劫災火。此即三世勝聖者三摩地觀也。修行者應住發菩提心，深起悲愍心，滅除內外人天等障，即以印左轉三匝辟除障者，便右轉三匝，隨意大小結為方隅界，即印心額喉頂每處誦一

遍，頂上散印。由結此印及誦真言，住此忿怒三摩地，身心所有煩惱等業障以金剛猛利慧火焚燒悉盡。

次結軍荼利明王護身契。二羽相叉小指於掌中，以二無名指雙屈入掌中捻於二小指叉上，合腕豎中指頭相拄，兩頭指小屈曲當中指背上節後勿著之。真言曰：

「唵(一) 戶嚕戶嚕(二) 底瑟姤(二合)底瑟姤(二合)(三) 盤陀盤陀(四) 訶(去引)那訶(去引)那(五) 阿(上)蜜哩(二合)帝(六) 吽(七) 發(八)」

誦真言七遍已，若有人常欲受持金剛法者，每日平旦洗手澡面已，即以右手掬於淨水呪七遍已，向東方散三遍，後即入房內作護身。其護身法者，結印不解口誦真言，印頂、次印右肩、次印左肩、次印心前、次印頸下、次印眉間、次印髮際、次印頂上，印頂後已，是其契法也。

次六足尊明王印。二羽金剛內縛，二中指直豎頭相合，舒二頭指小曲初分如三股，加持五處，是其印相也。謂五處者，額、兩肩、心、喉是。其大二指各以右押左叉入月中。真言曰：

「唵枳哩(入二合)瑟怛哩(入三合)(二) 毘枳哩(二合)多那曩(二) 吽薩嚩遮都嚕(二合)(三) 娜捨也薩曇(二合)婆野薩曇(二合)婆野(四) 蘇婆(二合)吒蘇婆(二合)吒吽發吒娑嚩(二合引)賀(引)」

結此印及誦真言，即是無始無明於一切生死中而得自在。唯是菩提心明王能制伏之，乃至殺彼無常之身令得常命。餘以類推之可解也。

次結金剛藥叉明王印。定慧金剛內縛，二頭指端相拄，其間如眼。以二大指各豎二頭指側勿相著，各曲初節似牙。二小指各舒，其共少許曲初節如二牙相向。誦真言加持額、兩肩、心、喉。又更開五眼，所謂以印拭右左眉、目、眉間是也，以印頂散之。真言曰：

「唵(一) 摩訶藥乞叉(二) 嚩日囉(二合)薩埵嚩(二合)(三) 惹吽(引)鏗斛(引)(四) 婆羅吠者耶(五) 吽(引)(六) 發吒(七)」

結此印及誦真言，是諸毒藥當作障礙者，向形像而用塗之。以如是治故，彼六情根猶如火燒，即時退散。

次結馬頭明王印。二手合掌。二頭指二無名指屈入掌。各自相背。並二大指。微屈勿著頭指。即誦真言。左轉三匝辟除障者。右轉三匝成為結界。真言曰。

唵(一) 阿蜜哩妬納婆(二合)嚩吽(引)發吒娑嚩(二引合)賀(引)

結此印及誦真言。辛毒之藥即是無常苦空無我等苦切對治，譬如病氣深入心暝眩，故之乃可盡其本源。乃至帝釋梵王等自在安樂為世界之尊，如來以此法治之，即悟心身熾然猶如火害，厭怖生死、正順涅槃，何況餘有情耶。

次結無能勝明王根本祕密印。二羽虛心合掌，十輪端相拄令密合，是其印相也。

真言(在別，由極密而暫不注之)。

由結此印及誦真言故諸障盡息，令如來正三昧耶種種教勅一切無能隱蔽之者。

復次以左手掌仰覆右手掌上，以右手大指押左大指甲上，以右頭指三度彈指。次屈握於左右手頭指以下四指，豎大母指，以右手印左旋三遍為辟除，右旋三遍為結界。次以同印指於四方、四角、上下二方，即印身五處，皆誦每處吽字真言加持也。

次結一字佛頂明王印。二羽內相叉作拳，豎二中指屈上節如劍形，並立二大指，屈二頭指捻二大指上節即是。以印加持五處。真言曰：

「曩莫三漫多沒馱(引)喃部嚕唵(三合)」

由結此印及誦真言故，一切惡鬼皆不敢近。此呪師所護自身、所護他人、所呼鬼神、所遣鬼神、所求事業並用此呪。若持誦呪無有神驗，為誦此呪一百八遍，即得成就所得境界；若無効驗，其神即消滅。

次結佛眼明妃印。以二手合掌，屈二頭指各拄中指背，並屈二大母指入掌。以印真言加持五處。真言曰：

「曩莫三滿多沒馱喃唵嚕嚕薩普(二合)嚕入嚩(二合)羅底瑟姪(二合)悉馱盧者寧薩嚩[口*賴]他(二合)娑達尼娑嚩(二合引)賀(引)」

由結此佛眼印及誦真言故，令祕密主觸類申而長之，遍於一切法中。以故名為若知三密也。即引佛為證。何以故？世尊即一切諸真言三昧耶，所謂住於自種性故。譬如轉輪聖王若住於自種性中，遵修上代轉輪治世之法無所增減，則四域之內自然恭順其命。世尊亦爾，以常安住如來種姓之中無所違越故，一切諸真言王無不法而行之，以為性平等戒而不敢犯。復次如刹利、婆羅門四姓，若住於自種姓中奉其法，則為世人稱舉、事有成功。今此本漫荼羅亦爾，平等無動是金剛地性無生性，寂靜圓滿是大悲水性離言說性，鋒銳照明是慧火性離塵垢性，卷舒成壞是自性風性離因緣性，無相之像是不可行空大空本性。如是本性，三世諸佛為不能作之，何況諸為障者能蔽之？是故真言門修菩薩行諸菩薩亦當紹如來種性，故效諸尊住本漫荼羅位作諸事業也。若欲作寂災事業，即當自作本尊身而住圓漫荼羅。若作增益事業，即住方漫荼羅。若作降伏等事業，即住三角漫荼羅。欲作攝召事業，即住半月漫荼羅。若欲出生種種莊嚴，即住雜色漫荼羅。能令行者成驗即同本尊，一切為障者無能映奪也。

次觀漫荼羅。八葉蓮華臺上觀置種種莊嚴漫荼羅，漫荼羅之上可觀三部海會。作是觀已，即作金剛合掌，頌曰：

「以我功德力， 如來加持力，
及以法界力， 普供養諸尊，
願生安樂國， 普供養而住。」

次結大輪壇印。左手覆之橫於胸前，右手仰之累置於左手上，八輪各相叉即是。真言曰：

「唵嚩折囉(二合)斫羯囉吽惹吽鑊斛」

結此印及誦真言。置心前誦真言三遍，即面向下按地，次印曼荼羅、次印上方、次印額、次印喉，但置口時一度唵印，而如入口之勢而散之。

次觀界道。先結五股印，二羽合掌，二水二風各外相叉，二地二空各直豎勿相著，二中指直豎如針，是其印相也。以印當心，當觀曼荼羅內院有五色界道而周匝莊嚴。作此觀已，當觀囉字白色，即誦囉字一遍，以印自東北角右繞一匝。次誦嚩字赤色，一誦一匝如前。次觀迦字黃色，一誦一匝如上。次觀麼字青色，一誦一匝如上。次觀訶字黑色，一誦一匝如上。即誦五字真言曰：

「曩莫三滿多沒馱喃囉嚩麼訶」

次結召請印。二羽內縛，舒右頭指微屈如鉤。誦真言七遍，真言曰：

「曩莫三滿多沒馱喃鑊」

次獻闕伽。二手作合掌，二風二空端相拄，餘輪散開微屈。真言曰：

「曩莫三曼多沒馱喃誑誑曩三麼(引)三麼娑嚩(二合引)賀(引)」

次結花座印。如前闕伽契。即誦真言三遍，真言曰：

「曩莫三曼多沒馱喃阿(引)」

由結此印及誦真言故，獲得十地滿足。

次結塗香印。右手五輪直豎，以掌向外，以左手握右腕。誦真言三遍，真言曰：

「曩莫三滿多沒馱喃盪疑」

由結此印及誦真言故，獲得如來五分無漏法身具足。

次結花印。二羽八輪內縛，開掌仰上，以二頭指側相拄。誦真言三遍，真言曰：

「曩莫三漫多沒喃爾爾」

由結此印及誦真言故，獲得如來無礙智具足。

次結燒香印。二羽仰掌，舒立地水火令背相附，二風端相拄，以二空各附風指傍。誦真言三遍，真言曰：

「曩莫三曼多沒馱喃誡弭」

由結此印及誦真言故，速獲如來三十二相八十種好身。

次結飲食印。二羽舒掌，右掌仰覆左掌上。誦真言三遍，真言曰：

「曩莫三曼多沒馱喃補而曳(二合)」

由結此印及誦真言故，獲得法喜禪悅食。

次結燈明印。左手作拳置腰，右手亦作拳，舒中指直豎。誦真言三遍，真言曰：

「曩莫三曼多沒馱喃仉哩(二合)」

由結此印及誦真言故，速獲得如來清淨五眼。

次作金剛合掌，誦讚普賢行願，歎揚於本尊。及結前佛眼印，誦明而加持五處。

次結加持念珠印。二羽月中入珠，加持七遍。真言曰：

「唵尾盧舍那麼擺娑嚩(二合引)賀(引)」

次以右手握念珠置左掌中，即置入合掌中，誦千轉真言加持七遍。真言曰：

「唵嚩日囉(二合)獄呬耶(二合)惹(引)跋三摩曳(引)吽」

修行者入三摩地觀，閉目運心專注一緣，觀於本尊不遠不近，懸念至誠誦本明，不急不緩不高不下，真言字句令一一分明。若三時若四時、若百八遍若千八十為限。遍數畢，作供養法，然後本尊諸尊奉送於本宮。是則最上深密之法，忘勿傳授。真言曰：

「曩莫三曼多沒馱喃穆婆嚩(二合引)賀(引)」

已上是金剛手所說。已下是世尊印可言。

「如是祕密主！如汝所說。又祕密主！若說諸聖尊曼荼羅位諸尊形相，當知亦爾。」是則先佛所說，後有佛又推廣其義。如往所說，諸尊若云黃色者，此是金剛色身，當在因陀羅方輪中；若白色者，是性淨慈悲色，當在圓壇中；若赤色者，此是威猛除障色，當在三角中；若黑色者，此是劫災大風色，當在半月中；若青色者，此是虛空不壞不可降伏色，當是忿怒持明王等，或在三角或在中。如色又曼荼羅者，當知形相亦爾。若黃色者，當作勝進法喜之容；若白色者，當作慈悲寂定之容；若赤色者，當作威猛精進之容；若黑色，當作大力奮迅之容；若青色者，當作不可沮壞之容；若黃白色者，是兼增益威猛之容。如是以類推之。乃至種種間雜者，只當隨事甄明知其性分。乃至十方三世諸佛一切祕密藏中設不說者，亦當通用此意以起相應事業。故引先佛為證明法爾通用同，非我出興于世獨作如是說也，修瑜伽者宜知意行道。若念誦畢，則護身出堂，印佛印壇兼明本尊瑜伽，然後隨意經行。

大毘盧遮那佛眼修行儀軌

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
